

BASES 9AU CONCORDS “ETH MÈN REPOPET”

Se vos agrada era fotografia, ja podetz participar en 9au concors de fotografia “Eth mèn repopet”, ath torn deth leitatge maternau, es jòcs, es minjars, dromir, era lectura... des vòsti repopets, qu’organizen era Biblioteca Generau de Vielha e Mijaran e er airau de Pediatria der Espitau Val d’Aran, en motiu deth sòn 24au aniversari.

Entà participar-i, cau que hèsques ua fòto sus eth tèma deth concors e mo l’envies tà **biblioteca@vielha-mijaran.org**. Eth dia 10 de noveme ei eth darrèr dia entà enviar es vòstes fòtos.

Bases: 1.

Condicions entà poder-i participar:

Eth concors ei dubèrt a totes es persones majors de 18 ans. Peth hèt de participar-i, es autors/es se comprometen a cedir es drets d’imatge des fòtos ara Biblioteca Generau de Vielha e ar Ajuntament de Vielha e Mijaran entara sua difusion tara exposicion que se poirà veir ena biblioteca. Es participants tanben accèpten qu’es sues òbres siguen exposades ena Biblioteca Generau de Vielha e que s’en pogue her ús disparièr. Era participacion en aquest concors implique era acceptacion d’aquestes bases.

2. Tèma:

Eth tèma deth concors qu’ei eth mon deth repopet. Cau qu’era fòto que presentetz sigue originau e inedita, sense filtres e non-tractada e non age estat premiada en cap d’aute concors, ne publicada en cap hilat social, e cau qu’indiquetz era edat actuau deth repopet. Era edat actuau deth repopet a d’èster entre 0 e 2 ans. Non s’acceptaràn fòtos de repopets que siguen mès grani de 2 ans.

3. Caracteristiques:

Podetz presentar sonque 1 fòto per participant/a e 1 per repopet. Es fòtos pòden èster en blanc e nere o en color. Damb ua resolucio minimau de 2 MB e maximau de 3 MB, e les cau enviar entath compde de corrèu dera Biblioteca Generau de Vielha: biblioteca@vielhamijaran.org damb un títol, eth nòm e cognòms dera mair, deth pair e deth/dera mainatge/mainada e un telefòn de contacte

4. Categories:

I aurà un **Prumèr, Dusau e Tresau** prèmi .

5. Era jurada:

Era jurada serà composada peth personau der Ajuntament de Vielha e Mijaran, era Biblioteca Generau e er airau de Pediatria der Espitau Val d’Aran, e un fotògraf professionau. Era sua decision serà inapel·lable e pòt declarar eth concors desèrt. Eth liurament des prèmis se harà eth dia 21 de noveme, ath laguens des actes de celebracion deth 24au Aniversari dera Biblioteca Generau de Vielha.